

DRUŠTVENA ODGOVORNOST ZA ZAŠTITU OKOLIŠA

Esad Bajramović, Fadil Islamović

Univerzitet u Bihaću, Tehnički fakultet Bihać, Irfana Ljubijankića bb, 77 000 Bihać
bajramovic_e@yahoo.com f.islam@bih.net.ba

Ključne riječi:društvena odgovornost, zaštita okoliša, upravljanje rizicima, ISO standardi

SAŽETAK:

Vrednujući prirodu kao jedan od najvažnijih resursa naše privrede moramo proizvoditi proizvode koji nastaju u uvjetima koji su prihvatljivi prema okolišu i ispunjavaju zahtjeve ISO standarda. Implementacijom ISO 14001 procedura, organizacija se obavezuje da će u proizvodnji poštivati i razvijati procedure koje štite okoliš i maksimalno se zalaže za očuvanje životne sredine. Organizacije moraju vršiti aktivno edukaciju svih zaposlenih na principima cjeloživotnog učenja u cilju održivog razvoja sa primarnim ciljem zaštite okoliša. Potrebno je kontinuirano podizanje ekološke svijesti zaposlenika ali i cijelog društva. Briga za okoliš mora biti sastavni dio poslovne politike.

Organizacija treba da uvede i implementira integrirani sistem upravljanja kvalitetom sa više standarda. Integracija treba da obuhvati ISO 9000ff, ISO 14000ff, OHSAS 18001, ISO 22301, ISO 26000, ISO 31000 i dr. Ekološke vrijednosti ugraditi u postojeće projekte. U cilju da se smanji uticaj na okoliš i da održimo nivo održivosti treba postavljati mjerljive i dostižne ključne ciljeve u zaštiti okoliša kao što su: smanjenje otpada (otpad nula), porast prakse odvajanja otpada, poštivanje zakona o zaštiti okoliša, stvaranje kulture naklonjene zaštiti okoliša.

Standard ISO 14001 specificira zahtjeve za sistem okolinskog menadžmenta, koje organizacija može da koristi da unaprijedi svoje okolinske performanse. Ovo je za organizacije koje žele da upravljaju svojim odgovornostima za okolinu u skladu sa pozitivnim zakonskim propisima a doprinose održivom razvoju. Implementacijom ovih zahtjeva ostvaruju se ciljevi i predviđeni ishodi sistema upravljanja okolinom, koje obezbeđuju vrijednost za okolinu svih zainteresovanih strana i društva u cijelini. Koenzistentno sa okolinskom politikom organizacije, namjeravani ishodi sistema upravljanja okolinom obuhvataju: unapređenje okolinskih performansi, ispunjavanje obaveza za usklađenosti ostvarivanje okolinskih ciljeva.

ISO 26000 standard za društvenu odgovornost daje organizaciji uputstva u vezi sa konceptom, terminima i definicijama koje se odnose na društvenu odgovornost: pozadinom, trendovima i karakteristikama društvene odgovornosti: principima i praksama koje se odnose na društvenu odgovornost: integriranjem, primjenom i promoviranjem društveno odgovornog ponašanja u cijeloj organizaciji i preko njenih politika i prakse

u sferi njenog uticaja svih zainteresovanim stranama. Ovo podrazumijeva poštivanje zakona, istovremeno imajući u vidu da je pridržavanje zakona suštinska obaveza svih organizacija i svih zainteresovanih strana i ključni dio njihove društvene odgovornosti.